



Inatsisartunut Ilaasortaq Jens-Frederik Nielsen, Demokraatit
/Maani

§ 37 naapertorlugu apeqqummut nr. 2024-206-imut akissut

16-01-2025
Suliap normua 2024 - 99
All. normua. 22954551

Inatsisartut Suleriaasianni § 37, imm. 1 naapertorlugu Mittarfeqarfinni akissarsianut tunngasut pillugit Naalakkersuisunut apeqqutit tulliuuttuni allassimasut saqqummi-uppatit. Apeqqutigineqartut tullinnguuttuni akineqarput.

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
e-mail: govsec@nanoq.gl
www.naalakkersuisut.gl

Apeqqut 1. Mittarfeqarfiit A/S qullersaqarfiani akissarsiat qanoq ineriartorsimappat ingerlatsiviup piginneqatigiiffingorneraniit?

Akissut: Ingerlatseqatigiiffiup Greenland Airports, Mittarfeqarfiit A/S-ip nalunaarutigaa Mittarfeqarfinni (massakkut Greenland Airports Regional A/S) pisortaanerup ingerlatseqatigiiffik aktiaateqarluni ingerlatseqatigiiffingortinneqanngikkallarmat tassalu namminersortitatut ingerlagallarmat 2022-mi akissarsiai 1.207.000,00 kr.-upput, massakkullu 2024-mi aktiaateqarluni ingerlatseqatigiiffingortinnerata kingorna 1.353.000,00 kr.-ulersimallutik. Ingerlatseqatigiiffiup nalunaarutigaa ingerlatseqatigiiffiup nutaamik aqqissuunneqarnerata, tassunga ilanngullugit akisussaaffiit pisussaaffiillu allanngortinnerisa malitsigisaannik akissarsiat allanngortittariaqarsimasut. Allannguinerup kingunerisaanik Greenland Airports Regional A/S-imi (Mittarfeqarfiit-usimasoq) pisortaneq tassani pisortaanerup saniatigut Greenland Airports International A/S-imi (Nuummi Ilulissanilu mittarfiit) ingerlatsinnermut pisortatut maanna aamma ataavartumik atorfeqarsimavoq. Ilanngullugu ilisimatitsissutigineqarsinnaavoq pisortaneq kisimi qullersaqarfimmi suliffeqarfik sinnerlugu isumaqatigiissutinik atsiorsinnaatitaammat.

Apeqqut 1a. Piffissami tassani sulisut eqimattat sinnerisa akissarsiaat qanoq ineriartorsimappat? (Akissarsiat ineriartorsimaneri procentinngorlugit skemangorlugillu saqqummiuteqqunarput, assersuusiornissamut erseqqinnerussammata)

Akissut: Ingerlatseqatigiiffiup Greenland Airports, Mittarfeqarfiit A/S-ip nalunaarutigaa Mittarfeqarfiit suliffeqarfittut namminersortitatut ingerlareerluni Greenland Airports Mittarfeqarfiit A/S-imut ilaalersinnerani ingerlatseqatigiiffimmi sulisut assigiinngisitaartut atorfeqarnerminni atugassaat allanngortinneqanngillat, aamma akissarsiat pillugit isumaqatigiissutit allanngortinneqanngillat.

Takussutissiami ataaniittumi isumaqatigiissutigineqartut naapertorlugit ukiumut iluarsissutaasartut takuneqarsinnaapput.

| | | | Oqaaseqaat |
|---------------|---|---------------------|---|
| Ukioq | 2022 | 2023 | |
| Suliffeqarfik | Mittarfeqarfiit (namminersortitaq) | Mittarfeqarfiit A/S | |
| SIK | 2,25% | 0,66 % | |
| AK | 1,55 % | - | Isumaqatigiissutissaq nutaaq utaqqineqarpoq. |
| ASG | 0,96 % | - | Isumaqatigiissutissaq nutaaq utaqqineqarpoq. |
| RAF | 1,72 % | 5 % | AFIS operatøritut sulissarsiorneq sulisullu tigummiinnarsinnaanissaat 2023-mi aallunneqarsimavoq. |
| Atasiakkaat | ASG-imi isumaqatigiisummi qaffariaat malinneqarpoq, tassalu 0,96 %-imik qaffariarneq | 2 % | |

* Paasissutissat Mittarfeqarfiit A/S-imeersuupput.

Apeqquut 2. Mittarfeqarfiit A/S qullersaqarfiani akissarsiat ineriartornerat pisortat ingerlataannut allanut sanilliukkaanni qanoq ineriartorsimappat?

Akissut: Ingerlatseqatigiiffiup Greenland Airports, Mittarfeqarfiit A/S-ip nalunaarutigaa ukiuni kingullerni sisamani Mittarfeqarfiit-mi akissarsiat ineriartorsimanageri qulaani takussutissiami takuneqarsinnaapput. Pisortani atorfillit akissarsiaasa ineriartorneri malillugit akissarsiat isumaqatiginninniarnerni akit ineriartorneri aallaavigineqakkajuttarput. Isumaqatigiinniarnerni kingullernut sanilliullugit tassa ukiut sisamat ingerlanerani 1-2 procentimik akissarsiaat pisortaq isumaqatigiissutaanniit qaffanneqakkajuttarlutik.

Apeqquut 2a. Naalackersuisut isumaqatiginerpaat, Mittarfeqarfiit A/S-imi akissarsiat ineriartornerat pisortat ingerlataannut allanut allaanerussuteqarpallaannginnissaat?

Akissut: Naalackersuisut isumaqarput suliffeqarfittut namminersortitamit ingerlatse-qatigiiffittut ingerlalernerimi akissarsiat tunngavissaqartinnagit uppersarsaa-tissaqartinnagillu allanngortittariaqanngitsut, taamaattorli aamma suliffeqarnermi sulinerullu silarsuaani isumaqatigiinniartarnerit ataqqineqarlutik.

Apeqqut 3. Naalackersuisut Namminersorlutik Oqartussat pigisaanni piginneqatigiiffinni aningaasarsiat ineriartornissaannut suna politikkeraat?


Akissut: § 37. imm. 187 (2024) apeqqummut akissutigineqareersoq uteqqinneqassaaq. Ingerlatseqatigiiffinni Namminersorlutik Oqartussanit pigineqartuni qullersaqarfinni sulisut akissarsiassaasa aalajagersarnerannut politikikkut akulerutinnginnissamut akisussaaffiit agguarsimanerat tunngaveqarpoq. Ingerlatseqatigiiffiup siulersuisuisa sulisut akissarsiaat akisussaaffigalugillu suliassaraat. Siulersuisut pisortat atorfinitsittarpaat akissarsiaallu aalajangersaaffigalugit, tamanna aktianik piginneqatigiiffiit pillugit inatsimmi aalajangersakkanut naapertuuttumik isumagineqartarpoq.

Qulaani taaneqartut saniatigut § 37 imm. 187 (2024) aamma ilisimatitsissutigineqarpoq Naalackersuisut pilersaaruteqartut Namminersorlutik Oqartussat aktiaateqarluni ingerlatsiviutaanni akissarsiat qaffasissusiannut nassuiaammik suliaqartitsissallutik. Taamaasilluni Naalackersuisut toqqammavissaqarlutik iliuuserineqarsinnaasut nalilersorluarsinnaanerulissavaat.

Apeqqut 4. Naalackersuisut suliamut soqutiginaatilinnik allanik paasissutissiisinaappat?

Akissut: Allanik suliamut tunngasunik paasissutissaateqanngilanga.

Inussiarnersumik inuulluaqqusillunga



Múte Bourup Egede